

小兒直訣

錢氏小兒直訣三卷

薛氏醫按

宋錢仲陽著

闕孝忠集

明薛 已註

吳中珩校

五臟內外疳症主治

凡小兒疳在內目腫腹脹瀉痢青白體漸瘦弱疳在
外鼻下赤爛頻揉鼻耳或肢體生瘡鼻瘡用蘭香散
諸瘡用白粉散 肝疳一名筋疳白膜遮睛或瀉血
而瘦用地黃丸 心疳面黃頰赤身體壯熱用安神
丸 脾疳一名肥疳體黃瘦削皮膚乾澁而有瘡疥
腹大嗜土用益黃散 腎疳一名骨疳肢體瘦削遍

生瘡疥喜卧濕地用地黃丸 肺疳一名氣疳喘嗽
氣促口鼻生瘡用益黃散 若患潮熱當先補肝後
瀉心若妄以硝黃諸藥利之若患癰當消磨若誤以
巴豆礪砂下之又傷寒悞下皆能成疳其初病者爲
熱疳用黃連丸久病者爲冷疳用木香丸冷熱相兼
者用如聖丸津液短少者用白朮散凡此因大病脾
胃虧損內亡津液所致當固脾胃爲主而早爲施治
則不變敗症也

薛按疳症或哺食大早或嗜食甘肥或服峻厲之
藥重亡津液虛火熾盛或因稟賦或乳母厚味七

情致之各當調治其內○若口舌蝕爛身體壯熱
顙唇赤色或作腫痛腹膈煩悶或掌熱咽乾作渴
飲水便赤盜汗醫齒虛驚此心經內外疳也用安
神丸之類主之○若鼻外生瘡眼目赤爛肢體似
癰兩耳前後項側缺盆兩腋結核或小腹內股玉
莖陰囊辜丸腫潰小便不調或出白津或咬指甲
搖頭側目白膜遮睛羞明畏日肚大青筋口乾下
血此肝經內外疳也用地黃蘆薈二丸主之○若
頭不生髮或生瘡痂或髮成穗或人中口吻赤爛
腹痛吐逆乳食不化口乾嗜土瀉下酸臭小便白

濁或合目昏睡惡聞木音此脾經內外疳也用肥
兒丸主之○若鼻外生瘡咽喉不利頸腫齒痛咳
嗽塞熱皮膚皺錯欠伸少氣鼻痒出涕衄血目黃
小便頻數此肝經內外疳也用地黃清肺飲主之
○若腦熱吐痰手足逆冷寒熱往來滑泄肚痛口
臭作渴齒齲潰爛爪黑面鰲身耳生瘡或耳出水
或食自髮此腎經內外疳也用地黃丸主之凡疳
熱上攻或痘毒上升爲患甚速名爲走馬疳急敷
雄黃散服蟾蜍丸輕則牙齦腐爛唇吻腫痛可治
重則牙齦蝕落腮頰透爛不治

世傳方又云有無辜等疳一十二症

補註蟾蜍丸下

愚治陳職方孫面頰患瘡將蝕兩目或用清熱之藥久而不愈余用大蕪荑湯二劑清其肝火而愈陳司廳子遍身生瘡面色痿黃腹脹內熱大便不調飲食少思倦怠口乾用大蘆薈丸治其肝脾不月而愈

俞廷評子目割面青食少體倦大便滑泄此木乘脾土用芍藥參苓飲而痊

陳工部孫腹內一塊小便不調或以血痞久服行氣破血等藥發熱口乾體瘦懶食幾成瘵症余謂

面黃兼青乃肝脾疳症用補中益氣湯煎送太蘆
薈丸四服又用前湯加車前子煎送六味丸四服
又用清肝生血之藥而愈

一女子十二歲目生白翳面黃浮腫口乾便澀此
肝脾之症用四味肥兒丸而痊

一小兒九歲目劄畏明年深不愈或以爲實火服
瀉青丸之類益甚求治於余仍欲瀉肝余謂肝經
虛火用地黃丸補之而愈夫肝氣爲陽爲火肝血
爲陰爲水肝經之症若非肝火血燥而生風必因
肝血虛而火動其初患而病氣形氣俱實者宜少

與瀉青丸瀉之其火患而病氣形氣俱虛者當與
地黃丸補其腎肝蓋此症原因肝經血少而生風
耳不可輒用瀉青峻劑經云凡病虛則補其母實
則瀉其子前症果肝經實熱宜用柴胡黃連之類
以治心火者審焉

一小兒鼻外生瘡不時揉擦延及兩耳又一小兒
視物不明鼻內或痒或生瘡用四味肥兒丸漸愈
一小兒耳內出水耳外生瘡膿水淋漓經歲不愈
余用九味蘆薈丸以治肝用地黃丸以生腎水乃
瘥

一小兒遍身如瘡或痒或痛肌體消瘦日夜發熱
口乾作渴大便不調年餘不愈用蘆薈丸以治肝
兼五味異功散以補脾而愈

一小兒數歲腦後並結二核肉色如故而不覺腫
正屬膀胱經觀其形狀審其糞色兼屬肝脾腎三
經用九味蘆薈丸以清肝脾佐用地黃丸以補腎
水形體漸健不兩月而消

一小兒腹內結塊小便不調余以爲肝經內疳症
用蘆薈丸爲主佐以龍膽瀉肝湯而消

一小兒自脫胎即兩目赤腫或作痒或作翳此胎

稟肝火耳用六味盧薈二九而愈

一小兒患瘰癧小使頰數兩目連劄或作嘔少食

泄瀉後重此肝經熱盛而脾上受邪也用補中益氣湯六味地黃丸而痊

一小兒面色痿黃眠胞微腫作渴腹脹飲食少思

腹中一塊或移動小便澄白大便不實此脾疳之

患用四君子加山拖蕪荑兼四味肥兒丸而愈

一小兒嗜食泥土因睡泄瀉遍身如疥此脾經內

外疳也用六君子湯及四味肥兒丸而痊

一小兒面黃頰赤及熱作渴睡中驚悸此心經內

疳症用四君加炒黃連芩歸爲主佐以秘旨安神丸而痊

一小兒所患同前兼掌心發熱遍身如疥此心經
內外疳症用肥兒丸爲主佐以秘旨安神丸而愈
一小兒咳嗽寒熱咽喉不利鼻上有瘡久不生痂
此脾經疳症用地黃清肺飲四味肥兒丸而愈
一小兒下疳潰爛爪黑面鰲遍身生疥此腎經內
外疳症用地黃丸爲主佐以四味肥兒丸而痊
史少叅幼子二歲後結核不時仰首或以爲熱
瘡內潰用針決之服消毒之藥後曲腰啼哭余謂

此無辜外吊症也。出腰而啼，內弔症也。果歿。

腹痛腫脹諸症

小兒腹痛，體瘦，面色晄白，目無睛光，口中氣冷，不思飲食，或嘔利，撮口，此脾土虛而寒水所侮也。用益黃散調中。凡主之若口出氣溫，面色黃白，目無睛光，或多睡惡食，或大便酸臭，此積痛也。用消積丸。甚者白餅子下之。後以白朮散調補胃氣。若腹脹而悶亂喘滿者，實也。用紫霜丸。白餅子若不悶亂喘滿者，脾虛也。誤下之，以致目胞腫而四肢浮腫，肚腹愈脹，以塌氣丸主之。因下而喘，脾氣益虛也。脾虛不能勝腎水。

隨肺氣行於四肢如水狀若侵浮於肺即大喘也

薛按腹痛不食口中氣冷下利撮口等症屬形病
虛寒也用六君子加炮薑溫補之食積多睡口中
氣溫惡食面黃白等症屬病氣實而元氣虛也用
六君子加神麴山楂消導之劑若腹脹喘滿脾肺
虛而氣不歸源者用補中益氣湯若因下脾肺氣
虛而面目四肢浮腫等症者用金匱加減腎氣丸
况此症有因乳母脾胃宿積飲食傷脾所致其白
餅子紫霜丸必形病俱實方可用也塌氣丸亦非
調補之劑宜審用之

愚治一小兒每停食腹痛發赤暈用清中解鬱湯而愈後患搖頭咬牙痰盛發搐吐酸腐待其吐盡翌日少以七味白朮散次日又以參苓白朮散調理脾胃遂不復患大抵吐後兒安不必更服他藥恐復傷元氣也

一小兒傷食腹脹嘔吐發熱面赤服消導清熱之劑飲食已消熱赤未退用六君子加升麻柴胡各二分升補胃氣四劑而愈

一小兒五歲停食腹痛發熱面赤或用養胃湯枳實黃連更加腹脹午後熱甚按其腹不痛余以爲

脾虛而藥傷用六君子湯數劑而痊

一小兒數歲每停食輒服峻厲之藥後肚腹膨脹嘔吐泄瀉先用六君子湯諸症漸愈又用補中益氣湯而安

一小兒肚腹脹飲食即瀉手足逆冷此脾氣虛寒也先用人參理中丸後用六君子湯而愈

一小兒傷食腹脹胸滿有痰用異功散而痊後復傷食腹脹兼痛或用下劑痛雖止而脹益甚更加氣喘此脾益傷而肺益虛也用六君子湯加桔梗調補而愈

一 小兒腹脹惡食發熱惡心殊類外感余曰此飲食所傷脾肺虛熱也用保和丸一服諸症頓退但腹仍脹用異功散而痊

一 小兒傷食腹脹服剋伐之劑小便瀉滯又服五苓散之類飲食漸减小便不通四肢頓腫余朝用金匱加減腎氣丸夕用異功散而愈

若腎熱傳於膀胱熱甚逆於脾肺脾胃虛而不能制腎水流走四肢而身面皆腫若上勝則刑於肺故令喘也

薛按肺主氣腎主水前症因稟賦不足或因大病

後或誤行汗下致脾虛不能制水而溢皮膚肺虛不能攝氣而氣上逆宜用六味丸補中益氣湯治之如小便不利用金匱加減腎氣丸腎經虛火上炎肺熱作喘者用六味地黃丸心火熾盛肺熱作喘者用人參平肺散凡此皆屬腎經陰虛熱症用六味丸壯水爲主若用清熱分利之藥則誤矣
一小兒稟父腎熱小便赤澀服五苓散之類後患停食服剋伐之藥四肢面目浮腫小便不利漸至氣喘此誤行滲利脾肺氣虛不能攝水而患腫脾腎虛寒不能制水而氣喘用六味丸加牛膝車前